

Universitätsbibliothek Paderborn

Mirabilis Vita Venerabilis Virginis Marinæ De Escobar Vallisoletanæ

Deprompta ex ijs, quæ ipsamet jussu Patrum suorum Spiritualium
consignavit

Vitæ Venerabilis Virginis Marinæ De Escobar. Pars Prima

Puente, Luis de la

Pragæ, 1672

Caput 1. De Beatissimæ Virginis Nativitate, ac Infantia cum purissimæ
Conceptionis encomijs.

urn:nbn:de:hbz:466:1-38580

C A P U T I.

De Beatissimæ Virginis Nativitate, ac Infantia,
cum purissimæ Conceptionis encomijs.

Propinquante Festo Nascentis Sacratissimæ Virginis, vidi oculis animæ hanc Dominam, instar puerilæ recenter natæ, unde intellexi; mihi à DEO præstandam specialem quampliam gratiæ, ut consuevit, quod & factum est. Die siquidem antecedente Vigiliam Festi, dum vacarem recollectioni, mihi ostendit cimelia aurea, & lapides pretiosos elegantiores, quam dici possit, vel cogitari. In his erat pretiosissimus, quem fixius fui intuita, torques aureus elegantissimus, habens lapidem pretiosissimum in medio, qui magnitudine adæquabat parvulum ovum, ad cuius similitudinem erat efformatus, & referebat colore purissimum rubinum, atq; vibrabat tales radios, & splendores lucis, ut videretur multò magis coruscare quavis lucidissimâ stellâ. Quia verò mihi Dominus non manifestabat, quidnam id rei esset, stupebam contemplando illum & cogitando, quid significaret. Aliquantò post mihi dixit Divina Majestas: *Ista cimelia spectant ad despontatam, ac recenter genitam, & significant præclarissimas, sublimissimæque virtutes, quibus exornavi ac locupletavi animam, & purissimum cor meæ Matris eo die, quo fuit nata.* Hoc auditio, fui repleta solatio, & mirata sum, expendens excellentissimas virtutes hujus Dominiæ, quæ repræsentabantur per illa pretiosa cimelia, præsertim charitatem, & amorem DEI, ac proximi, quo cor ipsius flagrabat, & quem significabat pretiosissimus rubinus, in medio aurei torquis collocatus.

§. I.

Duravit hic affectus usque ad ipsam Festi vigiliam, & subsequentem noctem; atque tum, postquam me dedissem orationi, vidi oculis animæ supereminens

tem Virginem instar puerilæ, modo genitæ, formosiorē & splendidiorem, quam cogitari possit, cum corona aurea, quam gestabat in capite, radiantem ingenti splendore, & cimelij ac torque ornaram, quæ præcedente nocte videram, & sacrum ipsius pectus exornabat cimelium, seu pretiosissimus lapis, qui erat in medio torque, cuius mihi a pectus majora attulit dona, & gratias, quam fuerint etenim meæ animæ à DEO collatae. Matutino deinde tempore posteræ diei, quæ erat ipsum Festum, rursus illam confexi eodem modo, unde ipsius species fuit meæ memoræ firmissimè impressa.

Alio Festo Nascentis ejusdem Virginis, vidi illam quasi infantulam modo genitæ, in brachijs Sanctæ Annæ, adstante Sancto Joachimo. Flebat pupula amarè, ut tota videretur diffluere in lachrymas, neque tametsi illi Mater præberet ubera, continecebat. Accepit ipsam Sanctus Joachimus, & blandiebatur illi, quæ nihilominus eodem modo plorabat, quoadusque conquisiceret veluti obdormiscens, ac tum eam reddidit Sanctæ Annæ. Ego mirabar, videns ipsam die tantæ lætitiae, tanto pere plorantem, videbanturque etiam sancti ejus Parentes ignorare, cur fleret. Aderant nonnulli Angeli ex ijs, qui sunt in Cœlo sublimiores, & unus illorum mihi manifestavit causam istius ploratus, significando mihi hanc pupulam, jam inde ab ipsa sua nativitate fuisse præditam usurrationis, ac magnâ sapientiâ, & singulariter à DEO illuminatam, ab eadémque runc illi clarissimè revelatum Verbum Divinum incarnandum (non tamen dictum, assumendum ab eo carnem in ipsa) & quam multa passurum esset pro hominibus, eorundemque ingratitudinem, nec non multa peccata, quibus esset offendendus tantus Dominus: atque istam fuisse causam illius ploratus. Post unam deinde horâ,

TVIAO

horam, vel ultrâ, conspexi rursum istam Dominam, in specie puellæ, sed adultiorum, quasi trimulam, mirum in modum speciosam, & stipatam multis Angelis, quæ me in meis afflictionibus solabatur tam sapientibus ac Divinis alloquijs, ut ostenderet se amplius esse, quam puellam, accedensque ad me, amplexata me est, quo amplexu fui quodammodo internè immutata.

§. II.

Alio anno 1623. die Nascentis Sanctissimæ Virginis, vidi ejusdem Majestatem recenter natam formosissimam, & pulcherrimam, circumdatam innumeris tuniculis, contextis ex purissimo auro, ac mirum in modum resurgentibus, qui extendebantur per totum mundum, unaque stipatam plurimis sanctis Angelis. Proxime ipsius Majestatem erat infinitus numerus lapidum pretiosorum, aureorum elegantissimorum cimeliorum, ac gemmarum, ingentesque splendores luminis, & claritatis, multi soles lucidissimi, nec non alij copiosi thesauri, qui omnes significabant maximas recenter natæ pupulæ virtutes. Post hanc Dominam stabant tres Divinæ Personæ, ac tenebant in suis manibus titulum, qui continuebat illa verba: *Tota pulchra es amica mea, & macula non est in te;* quibus indicabatur purissima ipsius Conceptio. Interea incepérunt instar vehementis grandinis decidere in terram Divini illi thesauri, in magna abundantia, & duodecim Angeli DEI adfuerūt perquam diligentes, & celeres, ut illos colligerent, ac deferrent ad thesaurum Ecclesiæ; erant autem superabundantia merita, quæ illa Sanctissima Domina in ea ætate habebat, & videbant mihi tunc longè majora, quam simul sumpta ceterorum Sanctorum. Sanctissima Virgo me aspiciebat blandissimè, & alloquebatur arcano modo, ut tantum videretur movere labia, dicebatque, se mihi adfuturam, & opitulatram. Statim petivi à Sanctissima Virgine, ut mihi succurreret, seque faventem exhiberet, quod ipsum postulavi pro alijs, qui se mihi commendaverant. Dominus

autem mihi respondit loco suæ Sanctissimæ Matris: Nè dubites, futurum, quid à me Sanctissima mea Mater petierit: & specialiter fieri, quod modo petis; dataque mihi suæ sanctissimæ benedictione, discessit à me.

§. III.

Confirmatur hæc præcedens revelatio gloriofo testimonio, quod de ista superbenedicta puellula mihi perhibuerunt sancti ejusdem Parentes. Dum die, quo recolitur purissima Conceptio Beatissimæ Virginis, agerem cum D E O (anno 1619) vidissimum prius gloriosam sanctam Annam, hæc mihi amanter dixit: Amica, non potes intelligere, neque cogitando affequi, summum gaudium & jubilum, quo mea anima exultavit, quam diu in visceribus meis tuli purissimam Virginem MARIAM, meam filiam; & illustrationes, quas habui à D E O ijs mensibus, ex quibus intelligebam id, quod ferebam in utero, esse quiddam valde admirandum ac Divinum, plurimum commodi ac boni allatum universo mundo. Fuit autem MARIAM Mater D E I purissima & concepsa sine macula peccati originalis. Quidquid opponitur, abludit à vero, neque est credendum, sed nec dicendum ullam rationem.

Solata me fui vehementer aliquot horis eò, quod audiveram à gloriofa Sancta Anna, agensque cum D E O, audivi suavissimam musicam Angelorum, laudantium ac magnificantium Immaculatam Conceptionem Beatissimæ Virginis, & subito vidi venientem cum magno Angelorum comitatu gloriosum Sanctum Joachimum Patrem D E I paræ, qui ipsam manu ducebat cum summa reverentia, & amore. Erat instar puella parvula, duorum ac dimidij anni, aut paulo amplius; veniebat autem hæc sacratissima pupula, quam amabilissimè intuens suum sanctissimum Patrem, & vultu hilari, vicissimumque Sanctus Pater ipsam intuebatur summo cum amore, & gaudio. Tota erat vestita auro, & lapidibus pretiosis, qui erant similes soli lucenti; vultus ejus, & capillus fuit elegantior ac pulchrior, quam dici possit,

vel verbis explicari. Ingressa est hæc Domina meum cubiculum, quam statim sancti Angeli, qui apud me erant, humillimè & reverentissime genibus humi defixis venerabantur: Domina vero illa, & Sanctus Joachimus ipos aspicerunt jucundè & amanter: petità deinde venia acceſſerunt illam suo ordine, osculaturi pedes sanctissimæ Pupulae; quod tamen ipsa, tergiverſando non admisit. Cum autem alpiceret suum Patrem, ille ei dixit: Filia, ac Domina mea, porrige tuam manum sanctis tuis Angelis. Tuni extendit suam manum, quam habuerat averlam, applicueratque lateri ad cingulum, & illis porrexit, atque ipsi sunt eam reverenter osculati, & redierunt ad suum locum. Sanctus vero, & Virgo appropinquabant mihi, unde incepit multum turbari, & confundi; quod videns sanctus Joachimus, mihi dixit: Fama DEI, noli turbari, nec molestè ferre favores & gratias, quas tibi DEUS praefat, accepta illas cum solatio, & gratiarum actione. Et hoc dicendo sustulit ad sua brachia sanctissimam suam Pupulam, collocavitque illam supra lectum, in quo ego decumbebam infirma, & ipsa Domina convertit ad me oculos magno cum amore & charitate, dicens mihi: Quid habes, Amica mea? quid hic agis? ecce ego te amo, ob multas causas, & quia colis meam purissimam Conceptionem. Considera, quid à me velis, pete à me, quod volueris, quia ego sum ac ero tua Advocata & Patrona. Dum hæc verba audirem, & contemplarer eximiam hujus Domina pulchritudinem, atque cognoscerem magnitudinem donorum, & gratiarum sanctissimæ ipsius animæ, fui repleta stupore, ac delibuta solatio, dixique illi: Sanctissima Domina, ora pro me Dominum Majestatis, & pete ab illo, ut mihi det suam gratiam, suumque Divinum lumen, quò ipsum cognoscam, & amem ex toto meo corde: obsecro te etiam Domina humiliter, ut audias, quod tibi dicendum habeo nomine cuiusdam Religiosi (quem ipsi nominavi) qui te suppliciter rogat, ut digneris esse ipsius Advocata, ac Patrona, o�quesque Dominum, ut illi det suam Divinam gratiam,

quā adjutus, ipsi in omnibus suis operibus placeat, ac serviat. Quod ipsum ego a te peto pro duabus personis. Faciam, quod mihi dicas, ajebat illa Domina, quā libentissimè, ac instantissimè pro ea persona, de qua loqueris (quod, velim, illi significes) nec non pro alijs illis duabus, quia omnes plurimum amo, eò quod addicte sint mea purissimæ Conceptioni. Et hoc dicto, strinxit brachijs collum hujus suæ famulæ, mēque peramanter est amplexata, ac dixi mihi: Vale, Amica, usque dum revertar, quod non ita multo post fieri. Summissum fuit meæ animæ solarium, quod cepit ex ista gratia, & quamvis fuerim turbata, quando ista Domina mihi appropinquabat, postea osculabar & amplexabar per quā reverenter & amanter ipsius manus, quas habebat elegantissimas, plenas annulis, jámque magnopere dolebam ob ejus abitum, ac absentiam: conformando me tamen Divinæ voluntati, dimisi illam ex meis brachijs, & Sanctus Joachimus ipsam sustulit in sua; statimque, dum inciperet abire, resonuit musica Sanctorum Angelorum, sicut initio, & videre fuit mirum spectaculum: quia cum ita hæc Domina gestaret a suo Patre, cœpit in abitu resplendere instar Solis, atque taliter quasi deflari, ut prorsus videretur induisse Spiritum sanctum, & ipse intimè illi esse unitus, replens quācum cumulativem suis Divinis gratiis ac donis totam illam sanctissimam animam. Dum contemplarer hoc mysterium, & istam magnificentiam, cum maxima admiratione & solatio meo, conjeti oculos etiam aliò, ubi vidi ingentem cohortem diabolorum, qui toti erant armati, & ferebant hastas mucronatas atque cuspidas, ac edebant gestus quosdam truculentos, moliebanturque assultum aliquem crudelē ac terriblem, ut viderentur agi in rabiem, velleque invadere illud sanctissimum mysterium; quod tamen nullâ ratione poterant, quia erant quasi vinciti & ligati, ac impotentes ad invadendum. Quamvis autem quidam diabolus major ipos animaret, & compelleret, ac vexaret, ut agerent, quod ipso efficerent, nihilominus reddebat magis impotens.

potentes, & imbecilles, magisque deficiebant viribus. Mirata sum vehementer, videndo istam ferociam diabolorum, & intellexi rem hanc esse quandam figuram, quā repræsentabatur id, quod accidit in mysterio purissime Conceptionis Domine Nostræ.

Post hoc redij ad contemplandum mysterium, cui mea anima erat intenta, & vidi hanc Sacratissimam Dominam prædicto modo discedentem, cum sanctissimo suo Pâtre, comitante eos, ipsisque inferiente magnâ multitudine Angelorum, qui procedebant bini longis Ordinibus, & omnes erant speciosissimi ac fortissimi, armati splendidissimis armis, gestantes in humeris hastas. Hi Domini antecede-

CAPUT II.

De Præsentatione Beatissimæ Virginis in templo, unâque laudibus ipsius Immaculatae Conceptionis.

§ I.

Postquam advenisset mēns November, triduo vel quatriduo, ante festum Beatissimæ Virginis in Templo Præsentatae, ferebam illam semper in mea anima oculis, instar triennis puellæ, sentiens in meo corde tam ardenter amore erga istam sanctissimam Virginem, ut illum non possem dissimulare. Cum ergo adesset ipse dies festus, manè, tempore meæ recollectionis, inspiravit mihi Dominus novum quendam modum Orationis, quæ à multis jam annis non usurpavram, ut medirando ac discurrendo mihi in memoriam revocarem gloriosam Sanctam Annam, Matrem Dominae Nostræ, & Sanctum Joachimum ejus Patrem, quos mihi imaginabar sollicitos ac diligentes obire suam domum, ut providerent necessaria pro præsentanda sua sanctissima Filia in Templo, quam animo constanti & generoso ac obfirmatissimo volebant offerre,

atque dedicare obsequio sui DEI ac Domini, à quo ipsis fuerat miraculose donata; erantq; parati, ad majorem ipsius gloriam, carere ingenti solatio, quod capiebant ex convictu talis Filiae, quam merito intimè diligebant. Agnoscebam in ipsis gloriosis Sanctis, hinc firmum propositum, inde verò magnam difficultatem ac dolorem, propter jacluram boni, quo privabantur, ob sanctissimæ Filiae suæ absentiæ; & ista expendens, laudabam ac benedicebam eorum fortitudinem, & constantiam, unâque vehementer condolebam, & compatiebar ipsis afflictioni, multò verò magis, quando deinde consideravi redeuntes illos gloriosos Sanctos solos, relictâ sanctissimâ Virginem in Templo, non absq; grandi cordium suorum dolore, quapropter incepit lacrymari. Tunc mihi dixit Dominus: Sufficit, cessa, nec ultrà progrediatis. Volebat enim eam elevare à solito ipsius modo orandi, sicut consueverunt. Statim cessavi, & mansi satis diu abstracta, deinde sustuli oculos animæ, & vidi sanctissimam Virginem, in statura triennis puel-